

壯懷堂詩初稿

壯懷堂詩初稿卷九

侯官林直子隅

二十日同社中諸子集警堂

暑風驅長林白日何杲杲避炎苦無方隨地嫌熱惱登
茲大雅堂頓覺失煩煥塵襟滌盡開詩思莽浩浩同游

集吟侶衷底出新裁黃童騷賦才家聲繼香草聖堯楊氏

得三珠下筆振文藻豫庭子太邱有傳人才華日蒼老

子駒馬融子湖與郭泰穀齋學業富探討吾宗兩清彥價重

連城寶小銘三翼祈最後至文采足鮮皓藹入門盛意氣

握手各傾倒登筵縱清談脫畧無俗套一言見肝膽努

力春華葆茲堂蓋朋簪取義亦良好妖氛起海濱千里
接城堡軍書旁午來籌備勤障保遂爲講武堂募勇日
羣造王公秉節出元凶竄窮島徹防罷屯甲層階掩秋
草朝來見行李疇使寓輿皂急當遣之去斯文懼如掃
衆生念時艱致身苦不早促膝此論文惻惻傷懷抱酒
酣人語喧斜日轉西顯修名貴自立毋令雙鬢稿千秋
萬歲心持以鑒蒼昊

貧交行

烏庠富必爲萬石君座閒賓客如雲紛貴必爲九州伯
門前車馬如塵積反覆人情變雨雲炎涼世界殊今昔

君不見長安城中多達官，鳴珂聽鑰趨金鑾。萬錢一食
不稱意，狐貉那識人。閒寒又不見洛陽市中多大賈，百
琲明珠買歌舞。呼盧喝雉徹通宵，片語相投肝膽吐。是
時意氣何飛揚，有酒不惜傾千觴。薰人勢利欲炙手，願
盼頓覺生輝光。自古繁華豈常保，富交未若貧交好。車
笠何須白水盟，衣冠坐惜朱顏老。桃李花殘不再春，事
權已去散羣賓。朝來囊底黃金盡，明日悠悠行路人。

哭徐十一中野

兩年共翦西窗燭，每與聯牀入夜吟。分手豈期成永別，
傷心不獨一霑襟。艱難世事悲營葬，貧賤交游孰賞音。

他日知經畱劍處墓山松柏定陰陰

獨坐

獨坐寂無伴高齋日夕時
茶香清到夢雨意逼成詩
妙理靜斯得長歌間亦宜
出門何所適吾道且遲遲

附雪樵先生和作

干戈格鬪日風雨寂寥時
王粲耿憂亂杜陵窮賦
詩還思米價賤卻與酒杯宜
一笑登樓望雲間出

岫遲

楊椒山先生名印歌爲家小銘

齊韶

孝廉兄作

吾家伯氏負奇氣匹馬昨自山東至
裊出光瑩一片銅

分明鑄得椒山字惟公仕在嘉靖朝朝綱顛覆豺虎驕
堂皇一疏諫馬市萬里謫戍邊城遙狄道歸來頭尙黑
忠直生平過不得淋漓大筆劾權奸百官相向無顏色
可憐畢命東市東猶吟枷鎖吹香風不死仇鸞死嚴賊
天意似欲全孤忠公之亮節垂不朽公之大名在人口
鈴山相印故輝煌至今滅沒歸何有松筠庵亦埋荒煙
此印手澤猶依然丈夫一死那足惜要令姓字光千年
烏庠把公此印悲千年

讀劍俠傳

把卷來風雨廬堂燈火昏千金空結客一劍獨酬恩肝

其情言卷之九 三
膽傾流輩聲威動至尊生平都歷歷不傍孟嘗門

對雨呈雪樵先生

中宵雨不歇枕席生微涼雞鳴破清曉披衣坐西堂微
風戶外來萬象在我旁浮雲何昏昏江樹何蒼蒼蛟螭
出陰天盜賊起康莊往者見軍書江漢多殺傷皇天布
德澤既過無乃殃安得罷滴瀝杲杲開朝陽勿令行役
人淋溼霑衣裳

附和作

一雨幾晝夜繞屋榕陰涼溪水西北來直上我草
堂登樓引長望端憂生我旁山雲相吞吐關海何

青蒼連年苦盜賊田舍多荒莊便恐蛟鼉肆更令
禾稼傷羣生貪天功福過成咎殃我行慎卻曲不
復歌迷陽但願甲兵洗澤我芙蓉裳

聞河北捷音

捷書昨日臨清至河北風塵漸罷兵稍喜猥獠都困頓
漫容貔虎更橫行關山頻歲傷多事

宵旰於今念太平江漢諸軍仍帶甲策勳卻自讓書生

時統兵爲
某侍郎

曉寒呈蘇翁

時已臨朱夏輕寒尙襲衣卻驚煙漠漠仍是雨霏霏坐

久瓶花墜燒殘香篆微
炎涼何日定一笑悟禪機

晚晴呈蘇翁

陰靄連朝合庭隅忽放晴
竹梧添翠色烏雀得歡聲
書卷自能理酒杯誰與傾
無因破寂寞擬一叩柴荆

讀離騷

展卷忽不懌憂來盡千觴
嗟嗟屈子才憤世徒徜徉
摘辭繼風詩嚼墨灑大荒
靈修美始合改道摧肝腸
幽蘭託山阿不隨眾卉芳
一朝溷蕒菜萎絕棄道旁
詎不辨黑白蹇蹇甯憚殃
蛾眉眾女嫉謠詠行可傷
美人怨遲暮零落芙蓉裳
撫懷久鬱邑遂使悲沈湘
千秋萬歲心

持以奉君王

偶感視社中諸子

九州羣盜散如毛
詩酒招尋尙我曹
身世易銷秦歲月
風雲常護漢旄旄
皖公山影遲寒日
揚子江聲急怒濤
怪底南來無雁訊
暮天低壓太行高

客去呈蘇翁兼乞畫竹

避喧喧更甚
客去意還恬
檐短雀穿屋
庭幽蛛結簾
涼風吹不到
暑日看將炎
愛取瀟湘綠
從翁乞素緜

雪樵先生約過蘇翁寓
李香萃家瑞適至談詩甚歡次

蘇翁韻

題詩滿海內二老雪盈頭難得逢吟侶高談入早秋大

書千仞勒

時先生方勒書石鼓

妙墨數行畱

雪樵先生出齋板橋書畫見示

煮茗

同佳賞盎然生古愁

集玉尺山房和少伯明府韻三首

對茲池館勝心骨喜開張恰喜逢嘉客長歌入醉鄉蒼
松時落子疏竹不成行儘有蕭疏意能教俗慮忘

薄海仍烽火當筵半寓公不辭杯盞瀕偏倚石玲瓏
色千峰上斜陽一角紅登高望天末涕泗幾人同

卻憐奔走客辜負好園亭自得江南訊曾無半日醒投
閒銷棋局觀象註星經寂寞麒麟閣何人照汗青

開河北大捷誌喜三十韻分得肴韻

帝德符乾運天心卜泰爻萬邦歸

盛化億姓屬同胞蠢爾嗟頑梗公然肆暴警

王師方赫怒小醜敢魚然狂豕終奔突賊鷹且攫抓揭
竿興瘴海依箐據危巢烽漸湘潭逼兵趨鄂渚交西江
旋檄羽南國又飛鶻誰使黃巾眾遲聞黑幟拋指揮來
統帥跋扈縱僥蛟遂竄淮南道長驅冀北郊設防爭帶
甲望敵屢登輅學士能忠勇將軍力截勅龍驤堅後勁
虎旅奮前茅漕輓千艘粟湟屯萬束菱轅門明鎧仗河
朔迅鞭翰螳枉當車力蛙忘處井嘲抗衡偏倔強渴關

頓脛吹策喜攻心上聲呼潰腹偕元兇思脫兔羣逆競
奔麋遽失張鷟勢徒爲餓虎跑倉皇驚汎至漂溺豈天
教野哭愁雲黯迴瀾血淚膠復城如破竹受敵類懸旄
討罪誅劉闢論功到李苞晚營喧鼓角歸騎震簫鐃江
漢看平蕩淮揚待擊掇關山狼燧息戈戚虎皮包破寇
勳堪勒封侯志漫諺澄清期海內奏凱入

螭坳

香苹招同蘇翁雪樵紫巖莘田四明府曾春臺

在寅茂

才六一泉納涼次蘇翁韻

移樽泉上坐稍稍覺微涼選茗仙人種談詩弟子行

香萃

春臺俱先
生詩弟子
柳陰蟬外
暝荷氣雨
中香安得
添新漲歸
途

趁晚航

附原作

逢人皆熱惱
方寸自清涼
重以林泉勝
言隨鷗鷺
行
窗虛花氣入
茶熱午風香
煙水動歸興
秋江載

野航

述懷三首

夙齡嗜書史
展卷心自怡
廿年恣探討
往往窮研思
孫子修兵法
馬卿富文辭
稱詩李與杜
一一皆吾師
竭來效撰述
下筆風雨馳
有時發狂論
一任旁人嗤
漫言輕

弱翮棲息無高枝終當養華翰奮發凌天池

及冠事結交眷懷戀朋友片言臭味同相與共尊酒嗤
彼勢利徒兩雲幾翻手黃金一朝盡別我每八九安得
素心人永期同白首

我生具奇癖尤與山水親放懷日登眺隨地畱逡巡驅
車古戰場憑弔漢與秦支笳秦衡嶺鼓櫂江漢濱蹤迹
半天下勝游難具陳十年困鄉里鬱勃無由伸更思泛
滄海一洗襟上塵

招梁禮堂

鳴謙

孝廉子翊聖堯子駒豫庭子恂錫二翼

謁仁

易園

小銘兄集桐雨軒

梧葉秋先覺推軒暮雨寒百年有今日一醉若爲歡
力儒林傳傷心大將壇憑誰靖豹虎長使道途寬

龔文波

耀孫

葉汜恭

大混

招同蘇翁雪樵莘田少伯四

明府集玉尺山房對雨分得肴韻

虛檐突爾飛雙蛟天瓢倒瀉翻堂坳雷公砰訇電母怒
決蕩萬竅皆號呶繁絲激竹雜金石長戟大劍兼鉦鐃
鐔鏃拉沓急點下徧洗雨氣收炎颶主人賓客各稱快
狂喜轉覺歡聲侑涼風飄然動襟袂命酒不惜添嘉肴
鼈裙魚乙魚羊骹江瑤海石紛充庖狂吞大嚼意頗愜
苦事忽到知誰教座間張侯謂莘起喧譏對境必欲詩

鉢敲繩幽鑿險韻脚鈔寒瘦亦有島與郊言方過半雨
忽急三匝烏鵲傾其巢亂楊仍疑萬弩集滾葉時見珍
珠拋因思人情易翻覆頃刻變幻花同泡但逢可樂徑
須樂瞥眼聚散如鶯捎林泉況來絕佳處談笑半是忘
年交當筵此景又此客不醉真被山靈嘲揮肱競起作
鯨吸一飲立盡雙金匏百年池館此高會在戶莫使來
蠅蝟酒殘雨歇且歸去新月隱隱窺林梢

涼夜

一蛩語階末涼意上窗櫺電影劃空沒星痕流樹青挑
燈添濁酒橫劍讀陰經嗚咽鄰家笛孤懷共渺冥

附蘇翁和作

涼意入殘夜流螢穿曲櫺自憐頭盡白安得眼都
青對酒偶看劍烹茶閒著經干戈猶未厭搔首問
蒼冥

附雪樵先生和作

夜靜息羣動疏疏窗幾櫺蘭英含露白竹氣逗燈
青倦卧藉琴薦銷閒緡鶴經蕭然欲秋意一醉學
沈冥

瘦鶴行

鶴兮鶴兮爾既不如丹山之鳳凰和聲鳴盛呈文章又

不如滄海之黃鵠結伴高飛少拘束便當養息青田中
引吭投筆凌天風瑤池闔苑西復東遨遊萬仞摩蒼穹
茲獨胡爲入大廈瘦骨支離不盈把主人愛爾情亦深
仙質安能在籬下鶴兮鶴兮我今爲爾思曷堅爾脛振
爾衣徘徊竹徑行待時終辭主人奮翅飛青雲碧落相
因依海有水兮山有薇飲啄儘可療爾飢千歲不瘠亦
不肥似爾清峻當世稀鶴兮鶴兮去不歸

雪樵先生出示近作慨然有感率題一律

讀罷先生句潸然淚不乾美人多晚嫁

集中感舊詩云別來未嫁十年

人才子例無官歲月笳聲緊關河雁影寒我生且三十

攬鏡尙儒冠

螢火

虛堂一帶晚螢飛
巧解穿簾坐客衣
陳后長門愁的的
隋家舊苑見輝輝
未逢明月光原好
自近西風點漸稀
祇爲生前因腐草
出身終覺太卑微

次香雪夫人墨蝶原韻爲葉雨村

滋東

上舍題二首

淡淡生涯栩栩身
飄零金粉惜殘春
謝郎不作滕王老
詩畫何人貌爾真

牙管閒臨玉鏡臺
書成三絕意遲回
無多着墨分明認
疑入南華夢裏來

晚坐次雪樵先生韻

高林未覺晚涼意一何深好句每自得先生多苦吟哀
蟬聊爾咽胡蝶漫相尋幽籟竹閒出冷然清道心

附原作

晚林暑氣薄坐覺虛堂深新月樹梢上照君窗下
吟蟲聲助太息螢火相追尋得語各寒瘦證之郊
島心

偶感倒屣前韻

憚茲炎暑熱動我歲寒心竹影隔窗見松聲和夢尋臨
風但微笑儘日宜清吟江海尙波瀾無人知淺深

孟蘭會詞

簫鼓香花夾道旁
九重親出禮空王
可憐光順門前月
曾照唐宮內道場

城上烏

城上烏八九雛啞啞
白日羣相呼羣相呼
振雙翼城中
官軍走避賊賊來
居民活不得烏啄人腸
飛格格

同禮堂子翊子駒
豫庭子恂錫三小銘
兄集聖堯怡舫
東南壇坵久蒿萊
望古頻教首重回
詞賦梁園今復覩
衣冠白社喜重開
百年池館歸尊酒
一代風雲起霸才
聞道扶輪資大雅
紛紛謠諑未須哀

次雪樵先生初秋夜雨韻

一雨便秋意高林暑氣微雁聲時斷續螢火忽翻飛吟
苦易銷燭飲酣頻典衣宵來有明月可許開荆扉

附原作

客思當秋盛炎歎向夕微片雲橫漢過驟雨雜星
飛已掃庭邊榻仍添醉後衣卻防夜來夢易去到
巖扉

宣和畫鷹歌

高堂豁爾開雙瞳當前怪石形龍嵒陰森殺氣動邊朔
浙瀝霜影飛秋宵蒼鷹翻然落素壁星眸雪爪毛羽豐

殊姿獨立自清絕，猛勢直敵千夫。雄便當平蕪灑毛血。
颺出一擊，凡鳥空茲獨。胡爲靜兀兀，華紳甘忍羈樊籠。
定睛細看，知是畫氣勢，逼肖真神工。徽宗天姿固英敏，
繪事早歲傳青宮。濡毫寫此鰲鳥樣，爽颯那與常人同。
文禽天鹿不世出，獻瑞日見來宮中。樞形盡入睿覽冊，
秘府畫本嗟填充。南熏火入救不得，遂使萬里邊塵蒙。
玩物喪志古所戒，覽古我覺傷私衷。神霄龍德久零落，
殘縑無乃輕飛蓬。茲圖遠歷八百載，宣和璽尙芝泥紅。
相看平何用辨真贋，哀壑浩浩生悲風。

閏七夕詞

河流清淺有迴波。期月離情不奈何。一樣中庭拜新月，
今宵風露覺寒多。

鸚鵡

彩翠原身累聰明，亦禍胎。何年辭隴樹，終日傍粧臺。掩
抑稱衡賦，羈遲買誼才。多因解言語，籠繫不能開。

閏秋十三日同陳蘇翁符雪樵夏紫巖三明府陸費端

卿陳紫篔

汝枚

兩巖使李香萃

舍弟廉叔重游

鼓山次蘇翁韻三首

插空危磴勢紆回，載酒登臨我又來。世外煙霞如有約，
壺中歲月漫相催。新詩草草千年石，古月荒荒百尺臺。

坐向層巒最高處天風吹蕩夕嵐開

古剎穿雲自古今虛堂如水淨禪心一天花露科頭坐
半榻茶煙擁鼻吟徑闢松篁成結構人同鸞鶴共胸襟
上方鐘磬無消歇漏落人間何處尋

投閒未得感浮生至此能教萬慮清向曉穿林沾石氣
終宵到耳有泉聲舊游如夢驚搖落老輩能豪見性情
好待向平婚嫁畢卻來勝地避簪纓

東際橋

流水碧潺湲入山此初地一步一回頭會取西來意

更衣亭

雲自出山來我自入山去不見更衣人
山花落秋暮

放生池

好生而放生生機日潑潑修得到無生
是爲大解脫

喝水巖

涸澗翻狂雨靈湫響怒雷卻疑師喝去
今日喝回來

國師巖

國師自神通能掇石乳食多事畱指痕
現乃大法力

舍利

舍利始何年年深亦何用不如化粒食
能濟一切眾

念佛堂贈老衲

四十載雲游名山徧飛錫昨日趙州來分與好茶啣
與雪樵先生話劣巔舊游次原韻

屹立茲峯迴不羣品題今日況逢君眼空但覺塵寰小
語疾能教天上聞萬樹寒煙開曉日一龕清磬墜秋雲
舊游歷歷都如昨并入談詩坐夜分

附原作

笑指何峯更出羣置身絕頂已輸君十洲島嶼晴
秋見萬壑笙鐘靜夜聞倦客杖寒同倚月高僧飯
冷自炊雲氣含蔬筍猶滋味便欲精廬向此分

宿白雲堂待月

古寺頻投宿僧廚及晚餐
鳥啼孤嶂暝雲落半庭寒
待月得佳趣持杯爲夕歡
有人禪榻上詩夢穩蒲團

圓通庵

去去茅庵憇危欄喜共凭
亂蛩千澗雨古佛一龕燈
選石披叢篠燒茶拾斷藤
往來迎送意辛苦累山僧

游歸雪樵先生有詩見寄次韻

碧雲西望又紅塵自笑囊中未了身
賞雨恰逢歸去路看山曾是過來人
胸無宿物仍須醉囊有新詩且未貧
更待揚帆下滄海重攜明月問前因

附原作

寂寂僧廬不受塵浮生誰辨自由身晨鐘暮鼓催
何事範水模山得幾人子魚以前游山諸詩見示詩榻夢同孤
月醒客囊笑爲看山貧紛紛花雨諸天下未了拖
泥帶水因

壽山石

壽山何嶄嶄千仞起窄嶠高與芙蓉峯竝峙城北郭靈
寶蘊確駘扶輿鬱磅礴就中富奇石光怪走魑奠田坑
數上品水洞稍從畧高山出最晚其質亦不惡開巖湖
強藩攻取肆搜索縋幽復鑿險一任快劍斫自茲抉奧
竅精采始外鑲斑璘具五色誰與飾丹牒紅如霞炤蒸

白如雪光燭皎如月魄盈澹如雲影霏如天蘸蔚藍如
山聳孤削春巖樹蒼蒼水田煙漠漠雲煙米顛圖丹粉
徐熙作琥珀共通靈瑪瑙並焞爚材成珪璧珍澈比玻
璃薄羊脂潤凝膏鵠眼明刮膜紋排蝦背青點認鷓斑
錯流丹沁瓜瓠含緋簇桃萼艾葉綠初披筍衣青乍籜
妍爭萱草色蒨並春相嚼美人好肌肉丰姿亦綽約嬌
憐梨照淚嫩比荔去膜剛宜梅額粧雅稱蕉衫着吳羅
拭衿袂蜀錦繡帷箔千形與萬狀奇觀逞其各居民業
於中一璞千金博巧爲鞞鞞飾圓可念珠絡彙者鏤圖
章鏤鏤費斟酌紐鑣螭龍龜壓載犀象駱鐙字滿蝌紋

不惜刀屢碧我生具石癖遍購壯行囊晴窗偶陳設差
足慰寂寞客從門外至向我言謬謬古稱金石壽茲山
義奚託懷寶不自呈無乃取戕鑿豈知造物意磨勵藉
鋒鏑幽光鮮不發一語客應諾既儲不世珍斯待良工
度安能守介介終古委邱壑

同李二星村黃大聖堯舍弟廉叔登望北臺兼訪澈雲

上人

渺渺登高暮沈沈落照深層臺俯江水孤磬定禪心客
至閒畱弈僧貧欲質琴同游況佳侶載酒約重尋

觀湖行

和中偶以命題道
錄庚子年舊作

石雞喔喔海上鳴殘月未落天向明大家盡言看潮去
輿騎競作江頭行沙岸千人笑相指一線潮頭海門起
乍驚潮色駭潮聲吐張噴薄排空駛亘如雪山百道高
嵯峩奮如風霆激怒紛經過慘如蠻君鬼伯羣出而叫
跳奔如千軍萬騎擊盪聲相摩白日西馳水東下對此
茫茫驚造化吞江灌岸只須臾陽侯河伯皆咨訝或云
陰陽升降視海潮八月陰盛潮更驕豈真乾坤共呼吸
卻與晦朔爲盈消又云往者伍員與文種血作驚濤賈
餘勇素車白馬日往來穿山浮海何洶涌怒氣千年未
肯平卽今靈爽嗟飛動吳越山河去幾時英雄霸業不

須悲古今多少興亡事爲問寒潮總不知

讀江崱叔澗茂才詩率題二律

吳下江崱叔能詩有盛名高情託山水早歲謝簪纓此
意幾人識予懷相與迎草堂能見過未惜酒杯傾

聞道談詩旨惟宗杜與韓江河流萬古餘子漫登壇待
問名山業誰爲絕調彈知君多雅意佳句許頻看

和小銘兄一覽樓晚眺同豫庭子恂兄弟作

如此江山付酒杯蒼茫四顧起徘徊於今湖海爭壇坫
回首風塵幾俊才明月不來愁欲絕故人相見眼還開
登樓殘日驚蕭瑟戍角關笳儘可哀

出懷遠詩和釋卷九
七
同聖堯子翊子駒豫庭子恂錫三穀齋藹仁集禮堂嘯

篁軒

梁子讀書處幽篁如許深風來香細細夜靜思沈沈暗
恐蛟龍伏清疑鸞鶴吟當筵多逸侶他日望成林

驛柳二首

慣向郵亭送客行牽纏別思可勝情飄殘絮影剛三月
盼到萍蹤又一程此去濃陰堪繫馬天涯何處不啼鶯
當筵莫唱陽關曲最易銷魂是此聲

晚風吹角古涼州官渡無人水亂流老屋幾家煙外成
斜陽一騎郡西樓關河此日驚蕭瑟身世頻年感去留

昨夜深閨夢夫婿天邊又白幾人頭

古劍

神物何年出能分壯士憂不知千歲久曾報幾人仇照
影潛魑魅騰光逼斗牛風塵殊未已仗爾覓封侯

對月柬雪樵先生

天地竟今夕關河迴不雲一輪秋莽莽萬緒夜紛紛冷
露溼蛩響高風散雁羣頻年出滄海空照漢家軍

附和作

天地日秋色蒼涼江海雲關山何慙慙戈甲自紛
紛月白烏辭樹風寒馬顧羣灞陵逢夜獵淒斷故

將軍

雪樵先生對月獨酌有詩見懷戲效其體

世閒快事那有此明月特向今宵寒殘燈在壁夜耿耿
寶劍出匣愁漫漫乍聞微露下林葉時有好風吹鬢端
持杯兀坐自斟酌起視北斗方闌干

附原作

閉門自得一家月飲酒欲高千古風灑榻松濤亦
浩浩當杯花氣何濛濛此時快意有如是之子賦
詩無不工醉共三山絕頂卧大瓢擲向蛟龍宮

雪樵先生連日有詩見示慨然有作

生平知我者，卻許我知音。詩律老漸細，客懷秋更深。清
泉過別澗，明月在疏林。相賞得真趣，悠悠千古心。

石倉園懷古

宗伯名園傍水開，洪塘煙景舊徘徊。虛亭寂寂仍春草，
別館荒荒尙老梅。風月至今公不死，江山如夢我重來。
殘編賸簡都零落，只有詩名不草萊。

同禮堂聖堯子駒豫庭子恂錫三藹仁集子翊習靜樓
又是登高日，吟朋盛去年。卻憐竹葉盞，相對菊花筵。海
國霜初緊，江城月未圓。楓亭南去路，早晚息烽煙。

田家

井里莊言不才
行行出東郭景物開晴曦升高眺原野百里黃雲屯田
舍四五家錯落自成村穉子喜客來笑語相呼喧老翁
見客來迎客意諄諄自言力耕作不識冕與軒朝行問
晴雨暮歸課子孫飯炊紅稻粒菜齧黃齏根有桑百餘
株種向南山園年來歲頗熟食飽衣且溫牀頭足陳釀
柵底饒雞豚客來不辭醉一與傾芳樽

停琴佇月圖爲吳子沂

師曾

少尉題

一院碧梧靜秋風生廣寒美人不我至古調爲誰彈漢
外蟾輝小天涯雁影單涼宵悵望意會向畫圖看

紙鷲

跋扈飛揚上碧空
朝朝消受大王風
縱然亦借吹噓力
到底還須一線功

哭陳幼仙

銘

茂才

與子數相見
斯文欣在茲
遽驚少微隕
吾道一嗟咨
況有安仁痛
兼深伯道悲
宵來翻做篋
未忍讀遺詩

藤山梅花歌用東坡松風堂韻示子駒

藤山十里梅花村
花開香氣搖心魂
別來幾年不相見
那得障眼開塵昏
太邱仙人好事者
折柬邀我窺山園
南枝浩蕩滿生意
萬蕊迸出排春溫
瓊瑤世界現眼底
況值晴雪明晨暎
扶藜未覺造深處
回首不辨來時門

長年地主喜客至故遣稚子相傳言茅廬尙不厭寂寞
爲客一倒花前樽

得姚監坡大令蜀中書

姚子三年別書來萬里程知君權大邑到處得清名花
暖巴人國雲深白帝城釣竿未忍釋應有羨魚情

送閩鶴舫所司馬掌教南浦

鶴舫先生鬢髮斑朝來揖我去閩關論文乍喜時同聚
對酒何堪忽獨還時將作歸計渺渺春波南浦路萋萋芳草
夕陽山遙知絳帳生徒眾講習端能駐道顏

九仙山絕句二十四首

平遠臺

平臺屹峯巔四山送遐矚萬里海門深天光浸寒玉

野意亭

欲攬全山勝宜登最上亭郊原生意滿四顧眼常青

鼇頂峯

簸蕩滄溟濶希蹤跨巨鼇貪看朝日出未覺置身高

玉蟬峯

一峯復一峯峯爭崒岬高樹緒雲多寒蟬鳴不歇

煉丹井

煉丹始何時時深失丹鼎仙人去不遺遺此千年井

浴鴉池

流水浸方池潺湲蘸深綠朝來風雨多時有神鴉浴

磊老巖

拾級陟層巖巖高青岌岌老松凡九株磊砢作人立

躍馬巖

斷澗層冰合危巖躍馬過曾思九折坂爲險定如何

喜雨臺

誌喜高臺聳爲霖渥澤深東坡不可作作記情何人

仙人牀

片石亦千年光瑩淨如水有時抱琴來天風落松子

金積園

小具園亭勝秋高桂子馨金沙誰布地一爲問山靈
杏壇

曲徑通幽竹深林護石苔東風無限好春杏舊壇開
廓然臺

朝登廓然臺長歌意頗適仰看天宇高俯覺塵寰窄
琴臺

轟轟淩煙起登臨思惘然彈琴人不見千古月空圓
青牛洞

洞口青牛卧蒼然隱暮煙牧童強解事吹笛晚風前

醉鄉石

三萬六千場日醉不願醒同游多酒人此意頗能領

九日臺

舊日登高地孤臺落日昏霸圖何處是空有石罇存

龍舌泉

急雨翻然過清泉滴滴流在山清可掬終爲出龍頭

石龜池

修篁帶流水知是石龜池荇藻千年綠馨香當薦誰

梅嶺

如入羅浮路周遭萬樹梅昨宵寒氣重先報一枝開

獅子巖

怪石踞巍嶷巖巖然肖獅口迴颯捲長林疑聽河東吼

集仙巖

雲開露巖扉中有仙人住不聞空谷音山花墜秋暮

小華峯

削出芙蓉勢屏風面面開夜深明月到可有鶴飛來

金粟臺

題詩臺畔石會見謫仙人示我幻來旨相從證後身

壯懷堂詩初稿卷九終

壯懷堂詩初稿卷十

侯官林直子偶

猛虎行

四山風急雲冥冥
林木烏鵲齊變聲
居民早知猛虎出
白日村市無人行
磨牙當道氣無敵
赤豹黃熊俱辟易
依山傍窟幾人家
豚羊散失紛如麻
吁嗟乎猛虎雖猛
猶自可縣吏入門愁殺我

夕烽

處處登樓晚
天涯未息烽
一星高不動
疏點遠能逢
嶺海飛騰勢
荆襄慘澹容

至尊髮不細拭目待酬庸

同禮堂子翊子駒豫庭穀齋錫三集子恂巢雲精舍

楊氏好兄弟讀書爭雋才相逢高館夜聊對一樽開怒
筍攢叢竹孤花綻早梅緇塵飛不到卻許我頻來

來日大難

來日大難地曠天寒言念浮生憂來無端仗劍出門浮
雲漫漫途逢仙人峩峩華冠導我遠行乘我素鸞告我
長生授我金丹白石我居胡麻我餐五岳我游四海我
觀王喬八公時來盤桓億萬斯年爲歡不殫

閩中十子詠

林膳部鴻

子羽豪俠人讀書能強記才名帝室聞去謁臨軒試詩
派倡閩南遂樹騷壇幟少日魯朱家一官特遊戲

陳布衣亮

景明志冲澹詩廼陶孟儔著書草屋中嘯傲凌滄洲軒
冕詎所屑時尋山水游舍言九老社曠懷誰與謀

王叅軍偁

孟敷固簡傲乃古狂狷士淹博貫古今雄談倒流水才
高四海空瑣瑣俯餘子生平解大紳聊許數知己

王紀善褒

中美實剛直奄有循吏風法庭日多暇講習臨黌宮論
交出至性賦詩愜宸衷媿彼漢國賓疇似全其終

唐副使泰

亨仲用世才十載行人羈一官去江浙爰覽關陝奇實
能裕政事詎止工聲詩天籟自善鳴寥寥知者希

高典籍棟

彥恢盛德人於古真儒列論詩祖正聲品彙慎區別善
書喜繪事世亦稱三絕知交靡新故一一深締結

王典籍恭

安中不羈者爽豁見懷抱新詩五千言戛戛欣獨造詎

因會稽牒向闕纒文藻斧柯幸無恙徜徉以終老

鄭助教定

孟宣好古士擊劍如有神興酣作篆籀直溯漢與秦亡
命交廣間卒得存其身一編澹齋集古藻披紛纈

周祠部元

微之少穎悟讀書得心解歌詩昌谷遺摛詞尙奇瑰煌
煌揭天謠狂言吼真宰三十起爲郎才名滿人海

黃訓導元

元之淵雅才於鴻數高足蜚聲鏞水庠無慙達者目好
學貧益堅言詩老逾肅千秋鳴盛編惟元繼其躅

過雪樵先生夜話慨然有感走筆賦呈

伏櫪何當老騏驎高才往往遭時忌文章憎命將奈何
升沈聊爾歸兒戲君不見符雪翁昔年意氣何豪雄談
詩說劍各自得俯視下士真沙蟲王侯到眼豈屑屑傲
骨高撐面如鐵頭銜自署一條冰肺肝那肯因人熱卽
今失路多徬徨仙吏能容梅福狂傷心往事從誰說雙
鬢垂垂漸已霜我生第一數知己爲君慷慨悲歌起男
兒富貴會有時一笑人情薄於紙同鄉陳丈謂蘇翁老得
歸卒歲尙自嗟無衣舊游幾輩日零落歷歷似比晨星
稀年來我亦悲落魂有酒且須醉今夕干戈滿地幾時

休眼中萬事頭堪白

歲暮感懷三首

天塹咽喉地懸軍幕府山軍門師漸老使者節空還屢
訝征袍做稽看戰血斑閩中愁少婦終歲盼刀環
河朔新聞掄荆湘亦罷兵仍懸吳越郡未下趙佗城輸
納供芻粟軍需計水衡五竿新露布早晚達

神京

一綫楓亭路軍書頓浹旬羊頭嗟太爛馬革竟何人羽
校紅旗掄將軍白髮新五湖煙水闊何地繫盧循

題張紅橋小影

分明眼底見雲娥。膽部柔情老奈何。孤館寒燈春惜別。
空江涼雨夜聞歌。遠山細細傳眉黛。明月迢迢想珮珂。
一自鳳樓人去後。玉鸞嗚咽淚痕多。

古意

郎作明月珠。妾化湖中水。宵宵望明月。照入湖心裏。

集施氏別業

施氏園亭古。尋春一再來。萬花當檻坐。一水到門迴。宅
憶高人隱。樽因舊侶開。重城今早閉。落日漫相催。

閩宮詞十首

獅吼河東事。不誣無端善。願舍浮屠練師著。意頻遍信。

博得僧稜愜意無

笙歌聲雜綺羅叢送抱推襟樂未窮
燃盡燭龍三百萬
君王猶醉紫薇宮

簇簇燈筵鬧上元
困人天氣易黃昏
大酺殿上春如海
野鹿何時入郭門

綠樹婆娑甘露堂
春來相約會傾筐
建州聞有茶膏貢
可似新芽入焙香

黃金千片禮黃冠
正一先生早降壇
設徧六宮三昧宴
內家新製六還丹

春愁盡付小嬋娟
拂拭東風入管絃
好向桑溪修禊事

風流重見永和年

短衣隊隊豔宮娥錦纜牙檣可奈何唱徹水溶波澹曲
西湖風月已無多

何事桃源再問津九重帳底卽長春漢宮飛燕闈宮鳳
一例金鍼度與人

珊枕檀梁不厭奢頻年春色滿東華傷心怕過梧桐嶺
落盡鴛鴦一樹花

釣龍江上水潺潺霸業千年去不還自古傾城易亡國
一看脂井一脂山

紅豆

憶向東皇發幾枝，
擷來朱實自離離。
瓊筵曲盡銷魂夜，
粧閣燈殘擁夢時。
流水清溪羞照影，
春風南國最相思。
琉璃小盒分攜處，
擬伴金釵寄阿誰。

宮怨二首

少小承恩寵深宮，
年復年不知雙玉枕。
今夜落誰邊，
妬殺蟠龍鏡。
當年照妾粧，
朝來望顏色。
猶得對君王，
將樂伍梅岑。
鼎卿
茂才出其尊人楞香先生詩集求題

勉成一律

讀罷燔餘草，
吟情老可哀。
縱經歸劫火，
終不付飛灰。
一第能無憾，
諸郎儘有才。
玉華山色好，
他日我須來。

桑溪修禊

桑溪流水碧娟娟
曹謝風流尙宛然
今日落花殘絮裏
不須重憶永和年
得陳二幼農都下書卻寄

四年不見陳驚座
宦況詩情近若何
昨日音書三輔至
春來鴻雁五湖多
懷人花夕溶溶月
送客煙江渺渺波
添得青衫幾行淚
且須縱酒放高歌

清明

又到清明日
江城春可憐
鶯花正愁思
風雨一淒然
興至尋吟侶
時難澁酒錢
天涯芳草色
多傍客愁邊

采茶曲

兒家生長建溪邊三五年時絕可憐
采得新芽春社後
兩絲風片度年年

雪樵先生邀同陳蘇翁高樹人

會嘉

明府魏又瓶

本唐

教授江陵叔龔諱仁葉汜恭三茂才集玉尺山房
園林欣數至春去一踟躕眼底驚花事離筵尙酒徒十
年紛聚散萬里各江湖來日期重醉端知興不孤

聽琴

連谷翳煙蘿中有幽人住
宵然橫素琴聊寫胸中趣
天風吹琅琅哀泉瀉如注
秋澄天宇高雲外孤鴻去
思爲

汗漫游海山在何處

題徐樹人

宗幹

廉訪覺岸圖卽送入觀

金烏玉兔交騰空人生闕下如秋蟲眼前萬事波濤中
覺而不覺真夢夢恨不入海乘飛舸一洗塵障開昏蒙
臺洋險峙滄瀛東紅毛賀蘭昔稱雄

熙朝郵治九服同海隅日出歸

堯封鯤身鹿耳當要衝迴看內地爲咽嚙諸蠻桀黠喜
擊剗化俗安得來文翁徐公德望素所崇專城特簡邀
宸衷乘槎萬里氣如虹鞭虬馭螭駕鴻濛中流伐鼓聲
逢逢陽侯淵客驚絕蹤靈旗倏忽揚迴颺天昏水暗迷

氛霧倒空疾雨翻狂漑扁舟簸蕩相踟躕長年枕師心
懾梳失手性命輸蛟龍惟公坐鎮何雍容生平自恃信
與忠精誠感格迴蒼穹履危若坦福澤洪忽來雙雀窺
船篷翔視再四仍高狎浪中一兒衣着紅穩坐那顧波
淘淘燈毬閃碧疑紗籠帆檣上下時相逢異哉神幻不
可窮招要飄然來赤松瓊樓玉觀紛龍嶽蒼茫島嶼煙
朦朧羣僊出迅飛輕舳龍旂玉節光氣充六年四邑歸
併矇口碑載道傳郵筒揆文幾度臨巖宮陳設俎豆聯
章縫鼓吹經史和笙鏞巍然一代稱文宗多士咸樂經
陶鎔禮樂儘足銷兵戎何物小醜爲狂恣揭竿競起尋

戈藉公時怒氣如霜鋒霹靂下震驚羣孽一鼓立即誅
元兇雷霆收戢膏雨醜首惡旣殛竟務從賣劍買犢歸
爲農感激稽首淚涇胸忭聲遮道騰呼嵩保障半壁全
金塘嘉謨入告聞

天聰

皇帝曰咨乃有功華翎翠管先酬庸無端蜚語來訕訕
謂公諉避甘疏慵神山漸近迴天風內渡且喜隨歸鴻
回頭是岸經磨礪如夢初覺生歡棕繪圖此日煩良工
神采弈弈明雙瞳鶴雛侍立年正種壯游竟可驕吳儂
年來我亦嗟飄蓬苦海欲乞慈航通送公此行謁

九重建牙開府

恩遇隆秉樞他日依

宸楓闕民覺世還資公

送陳少香先生歸宜黃四首

風塵多難日湖海送君情有集千秋定無官萬事輕憂
時空涕泗並代幾才名老去思休息天涯重此行

五載趨陪久嚴裝忽戒途餘生脫豺虎歸夢穩鷺冕宦
況書千帙人情酒百壺臨歧一惆悵別淚灑平蕪

芳草碧離離春光去不知客中三月盡江上一帆遲天
意存耆舊生涯託釣師烽煙殊未已相見竟何期

得歸歸亦得三徑未全荒且遂林泉樂從知歲月長課
兒娛白髮飼鶴減餘糧盼到南來雁音書定幾行

次留別韻二首

廿載逍遙物外身扁舟今喜返孤臣憐才一代高風見
攬古千秋大雅淪薄醉豈知天下事狂歌誰是眼中人
故園三徑饒松菊陶令歸來不厭貧

浮生我亦歎飄蓬蹤迹真如踏雪鴻烽火頻年銷短鬢
江湖何處覓孤篷才名潦倒羞餘子人事艱難感寓公
此去題詩向寥廓無邊離思暮雲中

附同作二首

秉淳

廿年曾現宰官身，白髮蕭蕭返逐臣。
閉戶永教娛歲月，投竿此去對漪淪。
干戈滿地難爲別，風雅於今賴有人。
料理扁舟載琴鶴，辭官元亮未嫌貧。
千里飄飄客子蓬，鄉心且喜逐歸鴻。
無邊風月歸行卷，到處溪山繫短篷。
俯仰人才關一代，蒼茫時事望諸公。
臨觴何限將離意，盡在蕭疏暮雨中。

附原作二首

寬大乾坤不繫身，廿年滄海返羈臣。
無田志豈終畱滯，世才真合隱淪。
欲別難禁知已淚，得歸已是再生人。
故山猿鶴休相笑，半舫琴書尙未貧。

落窠生涯類轉蓬茫茫人海歎飛鴻幾時虎穴銷
兵氣何日鷗汀覓釣篷身外浮名憑豎子眼前時
事仗羣公臨歧不少酸辛語惆悵河梁夕照中

哭陳二幼農

欣君三十爲郎日遽爾千秋訣我時耗至親朋同一哭
愁深花月若爲思燕臺舊雨看將盡海岱浮雲去更遲
最是傷心秋盡夜孤燈寒枕讀遺詩

送李二星村游京師二首

故人萬里別相送滿離愁江上一尊酒天涯何處舟暮
雲沈嶺樹春水漲溪流吳越燕齊路因君懷舊游

京華冠蓋地去去訪金臺鴻雁何年息驂駟此路開乾
坤正多事湖海孰憐才戰捷秋風日還期尺素裁

送楊二豫庭司訓將樂二首

吾家子羽衡文地今子重游五百年白衣冠虛左席
皋比位望倘前賢蕭蕭殘日官亭酒渺渺寒江暮雨船
此去玉華山色裏相思定有好詩篇

文章南社有聲名談笑尤教四座傾杜牧煙花空北里
張衡詞賦重西京歸期正數黃華候來札先聞白雁聲
我笑年來成底事青衫猶是魯諸生

再送一首兼訊袁大岱萊

楊侯西去日林子寂寥時
契闊增吾慨疏狂未世宜
知心茲可託握手定何期
爲訊袁絲道相思知不知

團扇曲五首

皎皎機上紈是妾幼時織
爲郎製團扇便覺生顏色
顏色豈常好恩情豈常保
不怪郎負心卻怪涼風早
涼風從何來是郎手中致
郎得好風吹無妨妾遭棄
妾棄固可傷郎情安可忘
盛時今已過猶得篋中藏
篋中比金屋珍重同花鈿
明歲暑天長又與郎相見
同禮堂聖堯子翊穀齋錫
三子恂集藹仁陶舫

池館芝山麓開窗風物幽
卻憐今夕會已是一年週
杯

酒成與率長歌喜唱酬故人前日別

謂豫庭

相憶水西頭

德雪樵先生之任建陽二首

故人多作郡夫子獨閒居且喜前階復行看大邑除文章邀賞識

謂呂堯仙中丞

世路莫踟躕知已由來重今知願不

虛

建陽山水窟千里送君行斜日飛帆影寒潮落雁聲
閒官牘簡酒罷客愁明料識吟懷好詩來慰別情

後街文儒坊

壯懷堂詩初稿卷十終

陳仁權刊刻